



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Animae Illvstres Ivliae Cliviae Montivm Marchiae
Ravenspurgi Morsae Annexarvmqve Provinciarvm E
Monvmentis Calamo R. P. Theodori Rhay. Societatis Iesv
Redivivae**

Rhay, Theodor

Neobvrgi Ad Danvbium, 1663

Ivnivs.

urn:nbn:de:hbz:466:1-10835

HEISTERBACVM *magnorum virorum sanctus*
Hager, gemina hodie producit virtutum Ger-
mina, venerabilem HERMANNVM Abbatem &
WILHELMVM Monachum (vti vocant) Conuer-
sum, quorum primus magistratu admissò, de-
missione ac pietate omnibus charus fuit. Nun-
quam verbo minùs amabili aut perturbato, vl-
lum alloqui est auditus: vino quoque ac bel-
larijs nunquam aut raro usus. Alter mundo
latere & soli patere DEO elegit, qui ipsi omnia
erat, Ex Fastis Gelenianis.

IVNIVS.

II.

AQVISGRANI triumphus SS. PETRI *Ex-*
orcistæ & MARCELLINI: quorum primus
imperante Diocletiano, Artemij præfecti
carceris filiam à Dæmone agitātā liberavit, eamq;
cum vniuersa familiā ad S. MARCELLINVM perdu-
xit, à quo & sacris undis abluti sunt. Quapropter
à Diocletiani præfecto Sereno asperius castigati
cum neque blanditijs, neque minis à recta fi-
de declinantes, sed constantiores aduerteret,
missos in carcerem, & pugnis contusos securi
percuti

percuti iussit, ut in cælum securi evolarent. Ex
Mar. Can. Bre.

V.

MEINWERCVS X. Padibornensium Præ-
sul CLIVIO-Gelder Theisterbandia Comes,
toto imperio spectatissimus, HENRICO Impera-
tori propinquus, cuius COR & ANIMA habebatur
& erat: quo mandante GOSLARIÆ A. C. 1009.
â Willegiso Archiepiscopo Moguntino con-
secratus, & A. C. 1036. s. Iunij denatus est!
vixit cum eodem Imperatore familiarissimè:
eiusdem auspicijs sacra monumenta posteris
(præcipueq; Padibornensi Ecclesie) reliquit, & Ab-
dinchofensem Abbatiam eâdem in vrbe, & insig-
nem Collegiatam in Busdorp, plurimâque alia sa-
cra loca; sacella & Asceteria, proprijs impen-
dijs curavit, paternisque ex bonis, lautissimè
fundavit, summam quoq; Padibornensium Ædem
omnino collapsam â fundamentis extruxit, &
munificentissimè hereditarijs cimelijs dotavit.
Castrum ASPELIVM & RESSAM (nunc Clivia fir-
missimum munimentum) magno ære vendiderat
eius Mater ATHELA Saxonica, quâ pecuniâ
ipse, ut sibi debitâ ac receptâ Padibornam mu-

ris, fossis, vallis, usq; adeò altis inclusit, ut Deo & Principibus suis fida animosâq; Padibornēsi-um gens pyrobolis, tormentis, & variorum telorum ignitorum genere petita, non semel, eorum beneficio, hostes superioribus bellis reiecerit pedēmq; indecorè referre coëgerit. Cleri quoque *sui ipse Regula ac Norma* eundem exemplo suo ad omnem virtutum, religionisque honestatem trahebat; in sese asper, in alios benignus; viduarum, egenorum pupillorum & maximè illorum, quos pudor publicè mendicare non permittebat, Pater & Asylon, ut iure hoc illum elogio depingant Annales, Præfulem fuisse prudentem, & ingeniosum, magnanimum, iustum, DEI timentem, de Ecclesia sua longè meritissimum, in pauperes liberalem, tantæque virtutis, ut viuus ac moriens totam *Germaniam* in sui admirationem rapuerit. Ad miraculum usque memoriâ dignum est, quod *Casulam* seu *Pallium* sacrum, quo Anno Christi M. CCC. XXXVI. amictus sepulturæ traditus ac inhumat' est in *Crypta S. STEPHANI Proto-Martyris* sub principali Choro, atque ibidem trecentis & quadraginta annis in tumulo quieuit B. MEINWERCVS *Episcopus*, nec vermes
nec

nec putredo absumpserunt, itaque hodiedum *Casula integra est, ut quotannis die quintâ Mensis Junij* (quâ vitâ, S. Meinwercus exemptus est) *Præsul Abdinchoffenis in ea celebret: Pallium* autem hoc sacrum, ex albo Damasceno confectum nostris, quibus nunc utimur, admodum dissimile est: nam antè, retrò, & in utroque latere clausum ac integrum, infra angustum, rotundum, & apertum ad imos pedes demissum est: supra foramen, per quod exferere Sacerdos caput possit; habetque fimbrias à fronte & à tergo aureis litteris intertextas. Studiorum sub eo multiplicia floruerunt exercitia, & bonæ indolis adolescentes Grammaticis, Dialecticis, Philosophicis, Theologicis, Musicisque studijs, imbuebantur, quæ sub *Imado* alijsque ei' Successoribus florere quidem, sed tandem extincta tamdiu sepulta jacere, donec ab incomparabili Viro & B. Meinwercio moribus, genio, affectu erga inopes, naturâ, studijs, spiritu ac fervore Ecclesiam suam augendi pari, Præsule inquam Theodoro à Furstenberg, vniuersitate fundatâ, Collegio, amplissimòque ædificio extructo, ea resuscitata sunt; ingenti Patriæ, familiæque suæ perillustri gloriâ, à quibus præcellis

cellis maiorum suorum cogitationibus, non degeneraturum more recepto electum confidimus *modernum sanguinis ac sedis Successorem Reverendissimum ac illustrissimum Principem & Episcopum FERDINANDVM à Furstenberg*, cuius erga bonas artes affectum (nobis etiam tacentibus) opera eius in lucem missa loquuntur, ut jurecum Patria exultante dicamus: *In te defuncti spectamus Praesulis Ora, Artus & Artes* quotidianis incrementis augendas. *Concilio Moguntino MEINWERCVS* interfuit & varijs signis illustravit, Praesidente *Aribone Archiepiscopo Moguntino*; & huius invitatu, *HENRICO* praesente cui ita Religiosum ac suave *MEINWERC* ingenium probabatur ut eo publicis Imperij curis animum lassatum recrearet, velut in sideribus suis prolixè P. Christophorus Brouerius, & ex eodem recenter quidam bene eruditus probat Anonymus. nos pauca delibemus.

Constitutum erat aliquando *HENRICO* Imperatori in Curia Episcopali balneo uti; cave-ret proinde Praesul, ne quid ad lavandum deesset; *MEINWERCVS* tempore utendum ratus, occasionem hanc toti suæ Ecclesiae, egentibusque quaestuosam hoc sancto stratagemate arripuit.

Excel-

excellentissimis ac tenuissimis agnellorum pelliculis Cæsari talarem Synthefin mustellarum iugulis in limbis circumductis, ad ingeniosius fallendū confici curat, quā & Imperatori bene lauto, ambitioso servitio subridens iniicit: splendidam vestem, primā fronte Cæsar admiratus mox peregrinas commissuras pinguiāque assumēta sentiens, vultu severiore assumpto, eiusmodi *Pastoriciam vestem Inurbanum Prasulem; non Cæsarem decere asserit; Episcopus vrbane reponit eam vestem totius Imperij Pastori Cæsari bellissime convenire simulque exaggeratè commemorat* quantam illa vestis ovilibus suis cladem intulisset; nec destitit antè, quàm regali curte seu villa insigni ac pingui, bono egenorum & Ecclesiæ vestem illam Imperator redimeret.

Iterum Henricus patrio recepto more, Nativitatis pervigilio poculum illi mittit, generosissimo plenum vino, sollicitè ministrum monens craterem ut referat, quo imperata faciente donum Meinwercus commendat, & latorem honestis colloquijs, ac vario officiorum genere eousque detinet, donec advocati artifices poculum (latissimā jam cuppā) ad modum

O

calicis

calicis subito formâssent, Imperatoris ipsius, ut donantis, nomine basi inciso. Cæsar intellectâ strophâ probavit eludentis industriam, nihilominus ex composito craterem repetit, Episcopum monens, de proprio, non alieno & raptu liberalem esse; manè tamen in primo eius noctis sacro, contactali sua Chunigunde (ut loquitur auctor) comitante, aræ craterem imponit, Episcopo Ecclesiæ, & sibi, de dono usque adeò pretioso applaudente. Et cum pijs istis stratagematibus (Palatinis, ac in primis Imperatrice, S. Meinwerci Zelo faventibus non semel ad aras exornandas petita cimelia retineret; imò rari pretij pallium Augustale (gratis sæpius petatum) clam surripuisset, ac Cæsari id reposcenti identidem responderet, non videri æquum, Christum Cæsare pauperiorem esse, neque jam usu suo Deo sacrata posse reverti; HENRICVS Sancto eius dolo, & ingenio delectatus, pariter cum eodem sanctis iocis lusit.

Aduerterat Imperator non semel, Episcopum Ecclesiæ suæ curis ac spiritu raptum, aliquoties tam in sermone, quam in publici officij recitatione, Barbarismis uti, proinde ipsum
scienter

scienter nescium, & sapienter indoctum Imperator diceret. idcirco clam auctor Sacellano fuit, ut in collectâ defunctorum ubi (pro famulis & famulabus oratur) priorem syllabam ex missali eraderet; obtemperat Sacellanus, & dum pro *Parentibus Imperatoris faceret MEINWERCVS*, non literam, quæ occidit, sed spiritum, qui vivificat, attendens, ut scriptum reperit, *pro mulis & mulabus* legit: ast actutum errorem agnoscens, repetitis verbis, quæ malè protulerat, correxit, rasurâ non animadversâ. Sacro absoluto, & Pontifici ad mensam inuitato Imperator insultans: Ego, inquit, *Patri meo atque Matri*, non mulis & mulabus meis missam celebrandam rogavi; at ille, *per Matrem*, ait, *Domini*, *Tu more solito iterum illusisti mihi, & non quoquo modo, verum in DEI nostri servitio, cuius ipse Vindex est & Judex:*

Namque sibi factum non pertransibit inultum.

Quo Zelo mox Canonicis in capitulū Principalis Ecclesiæ congregatis, Capellanum, Imperatoris huius rei Auctorem durissimè verberibus castigari iussit, ut qui ex pelle vitulina, seu pergameno scripta eraserat, pellem virgis bene conscriptam Imperatori offerret, quo suo malo

doctus Sacellanus, ipse quidem, sed minimè
Imperator à iocis destitit, *Sanctorum istorum & Or-*
bis bono illustriq̃ exemplo.

Ad Mensam aliquando sedenti per angu-
stam laquearis rimulam tenuem phyliram seu
membranam auro inscriptam demitti Episcopo
ob oculos iubet, quâ moneretur disponere do-
mum suam veluti, quintâ die moriturus. Et cū in hor-
to, cubiculo, variisq̃ per Curiam locis passim
DEI nutu (ut opinabatur) sparsas eiusdem sche-
das argumenti reperiret, extremis viribus mun-
dum posthabens, ad decretoriam illam horam,
cōtinuis ieiunijs, vigilijs, alijsq̃ corporis castiga-
tionibus solitis & insolitis se cōparabat; & cum
arcis cōfractis, quidquid auri, argenti, supellecti-
lis, esculenti ac poculenti reliquum erat, opēsq̃,
mox deserturus, prodigā (ut solebat manu)
inter egenos, solâ sandapilā retentā, largè spar-
sisset, in Crypta, strato cilicio (conscientiā pri-
us animosā exhomologesi purgatā) pronus iacens
inter continuos gemitus, suspiria, & lachrimas
in amaritudine animæ suæ antea actæ vitæ no-
xas deflebat; sic in quintam diem conscientiae,
Deoque uacans, cum nihil languoris, præter
latrantem fame stomachum sentiret, doli quid
latere

latere ratus, primis tenebris e lecto, dum ieiunij ferè enectum corpus reficere cogitat, algidum focum, culinam iratam, & à pauperibus devoratā sēsit, ut ditissimo Comiti, munificentissimo Fundatori, pauperrimo Episcopo, ex alieno vivendum fuerit. Postridie dum Ecclesiam ingresso certatim omnes de vita singulari Dei beneficio, bono Ecclesiæ prorogatâ, & inter reliquos *Cæsar* HENRICVS cum Palatinis huius fabulæ conscijs congratulatū accurrerent, non suum, sed in Episcopo illatum Ecclesiæ & DEO vilipendium molestissimè accipiens, *omnes huius Strophe auctores conscijs fulmine excommunicationis ictos, extemplò iussit templo exesse donec crimen in Christum Domini admissum agnoscerent, debitèque deslerent.* Perculit hoc inopinatum fulmen Palatinos, atque in primis *Imperatorem Imperatricemq;* fabulæ totius præcipuos auctores, templòque reverentiali timore egressi, erratorum veniam (certis, magnisque Aulæ Ministris non semel missis) rogant, quibus nil concedendum existimavit, *nisi in cinere, cilicio, excalceatèque, ad templi Abdingofensis fores salutari exemplo pœnitentiam agentes, sua arbitria acciperent.* Quod dum in tanto fastigio illustres collocata Anima demissè

missè faciunt, nescias sanè *an His de humili obedientiâ, an Episcopo Meinverco de Constantia in defendenda Ecclesia potius congratulère.* Habet in Imperatore vir cordatus quod admiretur; in Imperatrice & Femina, quod imitetur; in Meinverco denique omnis Clericus & fidelis anima, quod veneretur. Sanè cavillis excipiant id Christianum facinus hoc nostro tecto, subdolo, callidòque seculo; quo Politicismus mundum inambulatur, Pseudopolitici ut velint; rideant tantam & auream prioris istius seculi innocentiam, quo secundum faciem Sanctorum, Sancti cum Deo, & inter sese iucundè ambulabant; deliria inquam illi sua (quibus nulla Ecclesiæ reuertentia est) delirent; candorem tamen Sanctorum illorum gratissima posteritas, omnis & Orbis Christianus loquetur, vivèntque nomina eorum in seculum seculi. *R. P. Christoph. Broverius in suis Sideribus, Gaspar Bruschius, Arnoldus, Brunnerus lib. 9. de reb. Boicis.*

V.

Solemnis *Cammemoratio animarum, seu militum in praelio Worringensi intra Coloniam & Dusseldorpium A. C. 1288. occisorum. In bello hoc IOANNIS Ducis Palatini partes WALRAMVS Iulie*
 EBER-

EBERHARDVS *Marchie*, BALDERICVS *Lune-*
burgenses Comites secuti sunt. SIGEFRIDO *We-*
sterburgico *Coloniensium* Archiepiscopo favebant.
 REINOLDVS *Dux Geldrie*, & Adolphus *Nassovi-*
us, inter quos duodecim horis in proelio seu e-
 riceto *Worringensi*, æquo Marte & ita fortiter
 pugnatum, ut sola ADOLPHI *Nassovij* manu
 quinque nobilissimi Tribuni ceciderint. *Victoria*
 tamen à *Brabantino*, sed multo sanguine stetit, *Ar-*
chiepiscopo Geldro *Duce Nassaviòque captis*; qui po-
 sterior IOANNI *Duci Brabantino* oblatus & quis
 esset rogatus, se *Nassovium* Comitem professus,
Ducem, & tu verò quis es? interrogat; cùmque *Bra-*
bantium ipsum esse acciperet; prodigij id instar
 habeo, inquit, te aciem gladij mei effugisse, qui te
 solum mihi invisissimum petebat. & inter quin-
 que fortissimos, militares præfectos sublatum
 sibi persuasum habebat. Liberâ hominis voce
 delectatus *Brabantine*, *Westerburgio* & *Reinoldo*
 maximo lytro dimissis, *Adolphum* muneribus hono-
 ratum plenâ libertate donavit, ac perconstan-
 tem amicum deinceps coluit. Quo viso affe-
 ctu ADOLPHVS, non religione minùs illustri,
 quàm armis, *Brabantine* rogat, ut *Cælorum* ca-
 davera erecto ad *Worringam* *Cœmeterio*, & Sa-
 cello

cello & terræ mandari imperet: quo libentissimè annuente cælorum hastis seu perticis collectis terræque Nassovij ductu & manu infixis sacelli Coemeterijque locus designatus est: cui proin Beatæ Virginis *ab Hasta* nomen diu adhæsit. Quã in defunctos pietatē cælū rependisse *Adolpha* uisum est, quando A. C. 1292. *creatus Romanorum Imperator*. A. 1298. aperto campo concurrente ALBERTI *Austrij* manu cadens totus exercitus iusta ei funebria unà cum Imperio rite persolvit. *Ex Perario.*

VI.

STEINFELDII, HEINSBERGII, ELLENÆ *in Julia; Hammerenæ, & Sanctis, in Cliuia; Divi NORBERTI*, exuviarum solemnis expositio qui nobilissimis & copiosis ortus parentibus, adolescens liberalibus disciplinis eruditus, in Archidiaconali Sanctensium amplissimo canonicatu, gratiâque Imperatoris ornatus, omnibus his cælo posthabitis, pelliceâ melotâ indutus, nudis, brumali rigore, pedibus incedens, prædicationi *Verbi Dei* se totum dedit; & cum per *utramq; Germaniam, Galliâq;* innumeros hæreticos in libertatem filiorum Dei afferuisset, peccatores ad pœnitentiã, dissidentes ad concordiam revocasset

câset, publico etiam *Orbis Christiani* commodo, *illustriſſimum Præmonſtratenſium Ordinem* fundâſſet; *inuitus ad Magdeburgenſem Archipreſulatum* euectus eſt, *miraculis, prædicatione, & Vtido Spiritu plenus*, Infulam, quam alij gemmis, ipſe *virtutibus* ornauit, à Familiaribus non ſemel dicere auditus, malle ſe infernum, quàm vel vnicum peccatum veniale admittere, quod *Chriſto* illud (ut hominum & **DEI** malum) vnicè diſpliceat. Quo Spiritu ætatèque plenus optabat tenerri-
mè ad *Ieſu & Mariæ* conſpectū quantocyus euolare: & euolavit **A. C. M. C. XXXIV. VI.** Iunij non ſine ſingulari ſummæ lætitiæ ſignificatione debitam neceſſitati vitam reddendo.
Ex eius vitâ.

VIII.

IN perilluſtri *Effendiſi Eccleſia* *Translatio S. Marſi* Confefſoris, cuius **CORPVS** aurea in hierotheca quieſcens, publicæ ſubinde venerationi per annum exponitur. *Ex Annal. Per.*

VIII.

Memoria **S. CLODULPHI**, ex *Mofellano Principe* *Epifcopi*; ex *Epifcopo Eremicolæ* qui turbas & temporalium negotia fugiens, *Silvâ plurimis*

P

rimis

rimis annis abditus, vigilijs item & orationibus
cælestique meditationi vacans, vitam Angeli-
cam vixit in quo Spiritus Sanctus mirabiliter
requiescens, varia mortalibus beneficia piè pe-
tentibus sub ipsius patrocínio, clementer o-
stendit. *Ex Gelen.*

XV.

MONS ALCINOI (vulgò *Eltenberg*) genero-
farū Virginū *Abbatia* hodie gaudet *Lipsanis*
& *Patrocínio S. Viti*, qui contemptis idolis & Dio-
cletiani promissis, variisque tormentis laceratus
post tot pugnas egregiè pugnatas *caput* offeren-
do *Creatori suo*, se vivo *DEO vivum & immacula-
tum sacrificium obtulit*. Sacrum eius *CORPVS* un-
guentis delibutum nobilis *Matrona FLORENTIA*
in Marianno religiosè sepelivit. *CAPVT* eius *GAL-
BIACVM* in *Julia* præcipuo honore colit & pos-
sidet. *Ex Annalibus Weneri.*

XVII.

SIGENBERGÆ *solemnis Lux S. INNOCENTII*
Sex Thebaorum Sodalitate; cuius *CORPVS* à *S.*
ANNONE Archipræsule Coloniensi vrbi illatum pom-
pâ omnium *Ordinum* raro ibi spectatâ. *Ex sa-
crario eiusdem Ecclesie.*

XVII.

XVII.

ITEM B. TERESÆ (siue THERESIÆ) B. RICHEZÆ
 confanguineæ S ANCTI Lusitania Regis Filia;
 ARNVLPHI IX. Regis Legionis Consobrina & Con-
 iugis; quæ tota pauperibus dedita, singulis no-
 ctibus matutinum, quem vocant cursum, de
 SS. TRIADE, tum de S. CRUCE, denique de Vir-
 gine DEIPARA absoluit. Annexuit hisce votivas pro
 mortuis preces, & Davidis odaria, coronam ter-
 renam respuit, ut perennaturam haberet in Calis. Ex
 Fastis Gelenianis.

XIX.

WERTHIMIÆ, seu in S. LVDGERI Insula,
 B. HILDEGERMI Halberstadiensis Episcopi
 & Confessoris, fratris eiusdem S. LVDGERI
 Coapostoli, qui cum infinitam Gentium multi-
 tudinem Christianâ fide imbuisset, ac per omnes
 inferioris Saxonie Provincias, operarios in vi-
 nea Domini ordinâset, susceptis pro fide glorio-
 sis laboribus Doctoris & Apostoli Saxonie cog-
 nomen illi adhæsit. & inter varia pietatis
 edita signa expiravit, ac plurima post se miracula
 reliquit, familiarem Sanctis Hereditatem. Ex Ann.
 Weneri.

XX.

FRUNDEBERGII in Mōasterionobiliū Virginū Or-
 dinis Cisterciensis in Monte Hasleo secundū Rurā

occidentalem *Comitatûs Marcani* imposito ad præmia *Sanctorum* evolavit *venerabilis* MENRICVS, ex illustri & præpotenti *Lubecensi Canonico* Eremita, ac *munificentissimus* huius loci *Fundator*, qui ut directius, expeditiusque ad **DEVM** contenderet, quanto poterat paupertatis amore omnibus, quæ vitæ degendæ necessaria erant, *nudus nudum Christum secutus est. Ex Ann. Perar.*

XXI.

IN societatis **IESV** Collegijs *Reliquiarum ostensio festiva* B. ALOYISII GONZAGAE *Marchionis Castilionensis*, qui Principe genere ortus, ingentes opes *Christi amore* vocante cælo neglexit, **SOCIETATEM IESV** ingressus *noxæ nullius gravioris sibi conscius Angeli nomen meruit*, *Adolescens*, quem exacta per omnem Religionis laudem vita humilitate, patientiâ, fide, pietate conspicua commendavit. *Romæ vivus mortuusque* multis miraculis illustris, anno M. D. XCI. æternitatis gloriosum iter iniit, ab *Ecclesiæ Galitum Albo adscriptus. Ex vita.*

AGRIPPODVRE S. HERMOLAI *Episcopi & Martyris* ex *Societate* undecim millium *Martyrum* in monte *Ararat*; cuius **CAPVT** terebrâ perforatum

perforatum in summa (nunc Societatis IESV)
æde ibidem religioſè colitur. *Ex Tabu. Eccles.*

XXII.

A Bijt & ex humanis eodem die, *Aldenberga*
in Montibus venerabilis Abbas THEDORICVS,
integritatis opinione & munere regendi in-
clytus, virtutum admirabilium splendore in-
gens sui deſiderium relinquens. *Ex Faſt. Gelen.*

XXII.

A *Nniuerſarius* B. CHRISTINÆ STOMEL-
SIS, vitâ & miraculis jlluſtris, *quæ in Stom-*
melen ad annum uſque M. CCCXLII. quieuit,
quo à WILHELMO primo IULIÆ *Marchione* au-
ctoritate fratris WALRAMI *Archiepiſcopi Coloni-*
ëſis NIDECAM indeque IULIACVM à WILHELMO
Clivie, Julie, Montium Duce A. S. M. D. LXVIII.
unâ cum *venerabili Capitulo* translata eſt. Vbi
hodie *Tumulus eius* ad Chori oſtium elevatus vi-
ſitur. Eandem ſæpius ſibi apud DEVM Pa-
tronam Animæ piacularibus ardentes flammis
optârunt, ſupplices nonnunquam ad eam ma-
nus tendere viſæ. *Ex Annal. Perar. & Necrolo-*
gio eius loci.

XXII.

HAMMONA *Marchie* naturâ & arte muni-
tiffima

tissima civitas, eiusdem nominis colit CHRISTINAM, cui non satis fuit animo *saucium* in *cruce pendulum* IESVM corde *aspicere*, nisi corpore etiam *stigmata* (*familiaria eius Signa*) *infigeret*. *vixit anno salutis M. CCCC. LXIV. Ex Fast. Gelen.*

XXII.

DUSSELDORPII in *Ducali Residentia*, & *Societatis* IESV templo *Translatio* SS. *Martyrum* IRENTII, SAVINI, CYRILÆ & EUPHEMIÆ; *priores* ROMA; *posteriores* *Virgines* & *Martyres*, *Regnum* *Poloniæ* ad *votum* *Serenissimæ* REGINÆ ANNÆ CATHARINÆ CONSTANTIÆ dono *misit*, quib' *Serenissimus* PHILIPPVS WILHELMVS *more suo* *Comes* *Palatinus* *Rheni*, *Julie*, *Clivie*, & *Montium* *Dux* *unâ* *cum* *serenissima* *Domina* *Vidua* *Matre* MARIA FRANCISCA, *Serenissimâ* *que* *Coniuge* ELISABETHA AMELIA, *Nobilitate*, *Clero*, *Præsidio*, *Urbé* *que* *universâ* *comitante* *extra* *portas* *obviam* *progressus*, *piâ* *eisdem* *prece* *exceptit*: *inde* *ab* *equitibus* *perpetuâ* *serie* *dispositis*, & *ab* *effulo*, *populo* *inter* *festas*, *ex* *munimentis*, *Rhenô* *que* *ipso*, *tormentorum* *explosiones* *faustâs* *que* *omnium* *acclamations*, *in* *Urbem* *Templum* *que* *Societatis* *adducti* *sunt*: *ubi* *Hymno* *Ambrosiano* & *officio*

& officio ab exquisitissimis per Germaniam Symphoniacis inter suavissimos modulos, atque si les dulciores rarissimâ Harmoniâ decantatis, S. SABINVS eadē, quâ inductus fuerat pompâ, festivè *in Arcem eductus, sacrario eiusdem impositus est, serenissimorum & urbis Tutelaris futurus. Ex Annal. Collegij.*

XXVIII.

IN *Hoven ad Sulpiacum Virginum nobilium in Parthenone, Venerabilis GVDÆ Virginis Converse* memoria, quæ singulari obedientiâ, submissione, charitate, morum candore, & laborum patientiâ ita conspicua, DEO QVE grata fuit, ut culinaria officia obeunti CÆLITES cum Puerio IESV multâ luce spectabiles frequenter assistere visi sint. *Ex Fast. Gelenianis.*

XXX.

IN *Patrum Societatis IESV EIFFLIÆ Collegio S. DONATI Martyris Translatio, quem anno post Servatoris adventum M.D.C.LII Ramâ eidem Collegio dono milit admodum reverendus in CHRISTO Pater GOSWINVS NICKEL ex Coslar Iuliacensis Ducatus, decimus Soc. IESV GENERALIS ex Cœmeterio S. AGNETIS extra*
portam


Portam Nomentanam, in Theca ex cedrino quadrilaterâ Eminentissimi MARTII CARDINALIS GINETI manu & sigillo munita: additis R. P. FLORENTII MONTMORENTII, aliorumque legitimorum literis & testimonijs. Sancti huius DONATI Martyris CORPUS magnâ tam incolarum, quàm accolarum omnis ætatis & statûs procedentium pompâ, expago WEINGARTEN in urbem Monast: EIFFLIÆ usque ad novę Soc. IESV fabrica locum (in quo primus id temporis Collegij Lapis ponebatur) inter frequentes civium & arcis festivas explosiones deportatum est; solemni ritu sacra Vrnâ apertâ ingenti spectatorum venerationis sensu Martyris LIPSA NA ostensa sunt: quibus adiuncta lampas instar conchæ; ampulla etiam vitrea, sed diffracta, & adhuc sanguinolenta, tres quoque ferrei anuli filo ferreo nexi, vetustate ferè consumpti, quoddâmque aliud (auguramur instrumentum Martyrij fuisse) cuius ansa incurva, altera eius pars latior stricta. Quibus ostensis & visis iterum arcula conclusa est. Inde magnificâ cæremoniâ *primi lapidis positio peracta*, sacròque solemnissimè decantato, eâdem festivâ processione sacer THESAURVS, ad sacellum S. MICHAELIS quo Societas

Societas

Societas nunc pro templo utitur, delatus est, tamdiu istic piâ veneratione colendus, donec in nouum, quod DEO adiuuante nunc confurgit templum, tansferendus, debitâ religione ac cultu honoretur. Ob tempestates noxias, ipso invocato, sæpius mirabiliter Cælo serenato fugatas, eius publico typo expressæ imagines, unâ cum tribus Chronographicis, sacrum eius adventum exprimentibus, illud Ecclesiæ adiectum supplicium: S. DONATE Martyr ora pro nobis, ut liberemur à fulgure & tempestate. Ex eius Collegij Annal.

IVLIVS.

Die I.

 HUMBIS, siue in pago Thumb prope Nideccam Iuliacense Municipium translatio trium SSS. Virginum FIDELI, SPEI & CHARITATIS filiarum S. SOPHIÆ, que sub ADRIANO Cesare anno partæ salutis C. XXX. cum neque blanditijs, neque minis à Christianâ fide declinantes paratæ potius mori, quàm fœdari moribus Ethnicorum, constanter prætoris impietatem essent detestatæ ferro cæsæ victrices animas Cælo transmiserunt. Triumphat etiâ insigni hac Virginû

Q

Triade